

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za kulturu, sport, mlade
i socijalnu zaštitu
Broj: 17-11-A-4714-2025
Tuzla, 25.3.2025. godine

Na osnovu člana 5. Pravilnika o kriterijima i postupku raspodjele sredstava iz Budžeta Grada Tuzle za finansiranje/sufinansiranje manifestacija iz oblasti kulture i sporta („Službeni glasnik Grada Tuzla“, br: 13/21, 1/24 i 3/25) i Programa utroška sredstava iz Budžeta Grada Tuzle za 2025. godinu sa pozicija Grantovi za kulturne manifestacije i Grantovi za sportske manifestacije, broj: 17-129/25 od 11.3.2025. godine, Služba za kulturu, sport, mlade i socijalnu zaštitu, dana 25.3.2025. godine, objavljuje:

JAVNI POZIV
za dodjelu sredstava iz Budžeta Grada Tuzle za 2025. godinu za
finansiranje/sufinansiranje manifestacija iz oblasti kulture i sporta

I - Predmet javnog poziva

Predmet Javnog poziva je dodjela sredstava za finansiranje/sufinansiranje manifestacija iz oblasti kulture i sporta iz Budžeta Grada Tuzle za 2025. godinu. Namjenska sredstva planirana su na pozicijama „Grantovi za kulturne manifestacije“ u iznosu od 130.000,00 KM i „Grantovi za sportske manifestacije“ u iznosu od 110.000,00 KM.

Navedena sredstva će biti dodijeljena za finansiranje/sufinansiranje manifestacija iz oblasti kulture i sporta koje se realizuju u toku tekuće godine u sljedećim prioritetnim oblastima:

- a) književne, pozorišne, muzičko-scenske i plesne manifestacije,
- b) promocije knjiga i časopisa iz oblasti kulture, nauke, sporta i drugih društvenih djelatnosti,
- c) muzički koncerti i festivali,
- d) izložbe slika i fotografija,
- e) manifestacije filmske i audio-vizuelne umjetnosti,
- f) vjersko-kulturne manifestacije,
- g) manifestacije koje doprinose očuvanju kulturno-historijskog i prirodnog naslijeđa,
- h) manifestacije kulturno-umjetničkog amaterizma,
- i) manifestacije koje promovišu urbanu kulturu mladih,
- j) manifestacije koje afirmišu kulturu i tradiciju Tuzle,
- k) manifestacije koje promovišu ravnopravnost spolova i prava marginaliziranih grupa,
- l) manifestacije koje podstiču međunarodnu i međugradsku kulturnu i sportsku saradnju,
- m) sportska takmičenja osnovnih i srednjih škola,
- n) manifestacije koje podstiču afirmaciju i razvoj sporta,
- o) sportska domaća i međunarodna takmičenja koja se realizuju u gradu Tuzli,
- p) međunarodne kulturne i sportske manifestacije i takmičenja koja će promovisati grad Tuzlu u zemlji i inostranstvu i
- r) druge manifestacije iz oblasti društvenih djelatnosti.

II - Pravo učesća

Pravo na dodjelu sredstava po ovom Javnom pozivu mogu ostvariti neprofitne organizacije (udruženja i fondacije) sa sjedištem na području grada Tuzle (u daljem tekstu: aplikanti) koje ispunjavaju sljedeće opće uslove:

- a) da su osnovane i registrovane u Bosni i Hercegovini,
- b) da su vođene od strane državljana Bosne i Hercegovine,
- c) da im je registrovana djelatnost u skladu sa prioritetnom oblasti u okviru koje predlažu manifestaciju,
- d) da ne obavljaju aktivnosti u ime političkih partija,
- e) da manifestacije za koje se traži podrška realizuju na području grada Tuzle ili izvan područja grada Tuzle ukoliko doprinose promociji grada.

Sredstva se mogu dodijeliti i aplikantima sa sjedištem izvan grada Tuzle, a koji su registrovani na području Bosne i Hercegovine, samo u slučaju ako je implementacija manifestacije od interesa za grad Tuzlu, što će se cijeliti u svakom konkretnom slučaju.

III – Prijava na Javni poziv

Prijava na Javni poziv podnosi se na propisanom prijavnom obrascu koji je objavljen u prilogu ovog Javnog poziva na zvaničnoj internet stranici Grada Tuzle (grad.tuzla.ba). Prijavni obrazac je potrebno elektronski popuniti u potpunosti a obavezno treba sadržavati:

- a) podatke o aplikantu,
- b) podatke o manifestaciji (naziv i opis uz naznaku ukoliko je manifestacija tradicionalna odnosno ukoliko je već finansirana sredstvima iz Budžeta Grada Tuzle; ciljevi, aktivnosti i očekivani rezultati; ciljne grupe; značaj manifestacije za lokalnu zajednicu),
- c) opisni izvještaj o manifestacijama realizovanim u prethodne četiti (4) godine.

Uz popunjen prijavni obrazac aplikanti su obavezni dostaviti sljedeće:

1. Detaljno razrađen finansijski plan za realizaciju manifestacije na propisanom obrascu za budžet, elektronski popunjenom i potpisanom od strane odgovorne osobe aplikanta,
2. Kopija lične karte ili uvjerenja o državljanstvu za odgovornu osobu aplikanta,
3. Podaci o stručnosti osoba koje realizuju i učestvuju u manifestaciji (kraća biografija),
4. Rješenje o upisu u registar,
5. Identifikacioni broj,
6. Uvjerenje o izmirenim obavezama prema javnim prihodima (uvjerenje izdato od strane nadležne porezne uprave, ne starije od 30 dana od dana objavljivanja javnog poziva),
7. Završni godišnji finansijski izvještaj za prethodnu godinu sa pečatom AFIP-a (bilans stanja i izvještaj o prihodima i rashodima) osim ako je udruženje registrovano u godini objavljivanja javnog poziva,
8. Zvaničan dokument banke o otvaranju transakcijskog računa aplikanta,
9. Uvjerenje o članstvu u Sportskom savezu grada Tuzle za aplikante koji se prijavljuju za finansiranje/sufinansiranje manifestacije iz oblasti sporta (nije eliminatorno ali će se dodatno bodovati).

Aplikanti uz prijavne obrasce dostavljaju fotokopiju prethodno navedene dokumentacije (osim dokumentacije iz tačke 6. koja treba biti u originalu ili ovjerenoj fotokopiji) a originalni dokumenti će biti zatraženi na uvid po potrebi ukoliko sredstva za finansiranje/sufinansiranje manifestacije budu odobrena. **Jedan aplikant može podnijeti jednu prijavu za manifestaciju koja se održava u toku tekuće godine.**

Prijave sa nepotpunom dokumentacijom i prijave dostavljene izvan predviđenog roka, neće se uzeti u razmatranje. Neće se uzeti u razmatranje ni prijave aplikanta:

- a) koji nisu izvršili svoje obaveze u vezi sa ranije doznačenim (odobrenim) finansijskim sredstvima iz Budžeta Grada Tuzle,
- b) u kojima su troškovi osoblja i kancelarijski troškovi viši od 20% u odnosu na ukupan budžet manifestacije (u dijelu ukupnog iznosa kao i iznosa koji se potražuje od Grada Tuzle),
- c) koji ne izmiruju obaveze prema javnim prihodima,
- d) čiji je rad usmjeren na političke aktivnosti,
- e) koje su namijenjene za isključivu dobit pojedinca,
- f) u kojima aktivnosti manifestacije nisu definisane u skladu sa prioritetnim oblastima iz tačke I ovog Javnog poziva,
- g) za aktivnosti koje su u toku tekuće godine već podržane sredstvima sa drugih pozicija iz Budžeta Grada Tuzle.

IV - Osnovni kriteriji odabira

Osnovni kriteriji odabira određeni su Pravilnikom o kriterijima i postupku raspodjele sredstava iz Budžeta Grada Tuzle za finansiranje/sufinansiranje manifestacija iz oblasti kulture i sporta („Službeni glasnik Grada Tuzla“, br: 13/21, 1/24 i 3/25) i Programom utroška sredstava iz Budžeta Grada Tuzle za 2025. godinu sa pozicija Grantovi za kulturne manifestacije i Grantovi za sportske manifestacije, broj: 17-129/25 od 11.3.2025. godine.

Minimalan iznos sredstava za dodjelu po jednoj aplikaciji je 600,00 a maksimalan 7.000,00 KM. Visina sredstva za dodjelu će se određivati u skladu sa utvrđenim brojem bodova za manifestaciju prema sljedećem okvirnom rasponu:

Broj bodova	Iznos sredstava za dodjelu (KM)
36 - 39	600,00 - 1.000,00
40 – 43	1.000,00 – 2.000,00
44 – 47	2.000,00 – 3.000,00
48 – 51	3.000,00 – 4.000,00
52 – 55	4.000,00 – 5.000,00
56 - 60	5.000,00 – 7.000,00

Visina sredstava za dodjelu bit će cijenjena u svakom pojedinačnom slučaju uzimajući u obzir ukupnu vrijednost predložene manifestacije i traženi iznos sredstava iz Budžeta Grada Tuzle. Sredstva u maksimalnom iznosu od 5.000,00 do 7.000,00 KM mogu se dodijeliti u izuzetnim slučajevima, za podršku tradicionalnih manifestacija koje se ističu kvalitetom programa, okupljaju veliki broj učesnika i posjetilaca i značajno doprinose promociji grada Tuzle u zemlji i regionu. Iz odobrenih budžetskih sredstva aplikanti mogu financirati troškove osoblja, kancelarijske troškove, putne troškove, troškove pripreme i realizacije aktivnosti u okviru podržane manifestacije te troškove vidljivosti manifestacije.

V – Mjesto i rok dostave prijava na javni poziv

Prijave na javni poziv sa pratećom dokumentacijom aplikanti dostavljaju u zatvorenoj koverti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBIH-a broj 11
75000 Tuzla

sa naznakom „Javni poziv za dodjelu sredstava iz Budžeta Grada Tuzle za 2025. godinu za finansiranje/sufinansiranje manifestacija iz oblasti kulture i sporta“
- Ne otvarati“

Javni poziv je otvoren 21 dan od dana objavljivanja, a krajnji rok za predaju aplikacija je **15.4.2025. godine**. Aplikacije koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka. Aplikacije poslane na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv i adresu aplikanta te naziv granta na koji aplicira („Grantovi za kulturne manifestacije“ ili „Grantovi za sportske manifestacije“).

VI - Način objavljivanja rezultata i dodatne informacije

Nakon završenog postupka odabira na zvaničnoj internet stranici Grada Tuzle (grad.tuzla.ba) bit će objavljena Lista o odabiru aplikacija koja će sadržavati odabrane aplikante kao i aplikante koji nisu ispunili uslove Javnog poziva sa naznakom koji uslov nije ispunjen. Informativni sastanak *Dan otvorenih vrata* za sve zainteresovane aplikante održat će se **28.3.2025. godine (petak), sa početkom u 9:00 sati u prostorijama Ateljea Ismet Mujezinović**. Potencijalni aplikanti će tokom sastanka biti detaljnije upoznati sa načinom prijavljivanja, popunjavanja prijavnih obrazaca, kriterijima i ostalim pitanjima značajnim za pravilno apliciranje na Javni poziv. Sve dodatne informacije o načinu i postupku prijave na Javni poziv mogu se dobiti u Službi za kulturu, sport, mlade i socijalnu zaštitu Grada Tuzle, putem telefona 035/307-327 te slanjem pitanja na e-mail adresu: asja@tuzla.ba, sa naznakom „Javni poziv za kulturne i sportske manifestacije“.

Napomena: Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

**Služba za kulturu, sport, mlade
i socijalnu zaštitu**